

Z cyklu: W ceni kòmùdë - 11

Pitôsz, co bådze witro
Nie wiém i wiedzec nie chcã
Pewno kwiatë zakwitną
Òwczôrz òbstrzëze òwcã...

Wcësna wòjskòwi knapã
Zrobisz na mitkò jaje
Znowù sã pòwërąpią,
Co nibë wszëtkò graje...

Dolar dzes pùdze w górã
Chtos w kògùms sã zakòchò
Ti sã òdgradzą mùrà
Temù pò wczorze lëchò...

Ta rzeknie zòs za wiele
Pòmëśli nen za mało
Wëmùszoné wieselé
Pògrzëb, co sã nie chcało...

Mòże napadò sniegù
Krémã zapòchną rãce
Ùsmiëwk zaòst'nie w biegù
Òkrëszk pò sznëce z glancã...

A mòże nas ju nie mdze
Weznie pòmiónë wiater
I jiny pòzadepce
Dzysészé nasze szlachë...

Tómk Fópka, Ùstka, 3 zélnika 2023 rokù, gòdz. 10.25 d.p.